

JESSIKAB
TUKSIARIORNINGA

XG
E8S7



“Uvlärsiutetorlungilatit imakka.”

XG
5357

JESSIKAB
TUKSIARIORNINGA

“JESSICA'S FIRST PRAYER”


BY HESBA STRETTON

PRINTED FOR THE MORAVIAN MISSIONS

BY

THE RELIGIOUS TRACT SOCIETY

1905



JESSIKAB TUKSIARIORNINGA

KAPITEL I. Kâfesiörvik tâpsomalo inua.

Londoneme ikauteâlukarpok apkutaunuk pujolingnut nunasiutunut apkosinersuit kollâtigut. Taipkoa illangata attâne okkoalinerme, jârit ikkitut mattoma sivorngane uvlâne tamaine, 5 emit 9 eliarninga tikkidlugo inuk kâfekarvilik takkuksaulaukpok. Kiaksauteârulakarpok maggunnik, attunît katsiorutelik, kâfe ônatsainarkovlugo uvlub stundekiningane. Tagvangatinuit sullivingmingnôrlutik pissiniarsôngolaukput kâfemik.

Pissivikullub oma inua inutsiangôvok, itokassaklune, illusitsiaringningalo takkuksauvok kênanganit illusinganillo. Kinaumangât nanelo iglomêviksakar-mangât kaujimajokarkôrlungilak, apertsortokaluarlungilarlônêt; nautsertorasuartokarangat nagvartuinarpud, sâ perkutingillo âtausôngomatta iglomut kanitômêtomut; tagvanelo kemaktaungmatta. Inuale uvlilungilak tagvane, annimilunele apkosinermut, nipaksarâipok inugiartoksuit akkorngane. Kaujijomajunut udlatortaulungimarikpok iglunganut, kinalônêt kaujikôrlungilak angut tâmma kanok inôgutiksarsimangât. Kaut tamât sâ illujaumalerpok kâfesijomajunut, tâpkoalo namaksitsainarpud kâfinganik, okalukingilallo akkekariakarninganik.

Jârit unuktukassait nâvlugit sulligiartortut kâfeskattarlaufkuput ikauteâlub okkoalininganêtomit, uvlulle illangane inua mallugosukpok takkonârtauernerminik ijingnut kebleriktungnut kernângajungnut. Niako-

jablo avgorsimajub battaliub pissiaksab ikligijauninga takonârtomut nellonarlungilak.

Niviarsiak tàmna takkonârtok kênakarpok sallôjomik, nujangillo illakemadlartut nivingavut kaunganut kongesinganullo. Annorâkarpok sujuksimajomik alliktorsimajomik; kellaksimavljune kellartutiksanut uigornekeajomut, taimaimallo sittorkattarpok tuigîngnut tinnaktungnut. Sorrusek naiperkonadlartok kinaugalloarmangât, okausekalungilak, kajûtalle tettejarangata kâfemut katsiorutemit, missatsainarpok, allagaiksartotut sorlo kâfib ônartub tippitsiariktub mamarninganik.

“Taggale,” itok okarsinnarpok, okkungalune sorrutsemut, nippikitôvlune okaromavlune, “sôg aularlungilatit, sorrusek? Omat! akkuneluartomik mânêlerpotit, tagga!”

“Aularniarpunga,” kiovok, tuine kagvalatilugik, annorâne sittorsimajok kongmuartitsomavlugo innigijaksanganut, “kissianele sillalupâdlarpok, anânaralo assinêrkauvok unnuak nâvlugo upkoab pêrutinga neksarlugo. Kâfib tippinga mamagidlarpara, ovanêtilungalo pagvisartauniangilanga polisenut.”

“Uvlârsiutetorlungilatit imakka,” itok okarannerpok, nippimut tâpsomungatsainak illapsugosuktomut.

“Ahaila, nerringilanga sulle,” sorrusek kiovok, “ketteralersiutiksaralo tussugipâdlarniarpara perkâr-nago, taimak kaujimagalloorpunga. Kâkpâdlarlungilatin-ai?”

Itub kioninganik utakkinane sanguvok aularomavlune, ablorkârtinagole unuktunik, nippikitok utterkojjok tussarpâ, tagvainarlo utterpok sâmut.

“Maungartuinarit,” angut okarpok issivsorljune anajagosukljune, “tagga, kâfeteorit niakojakulluillo ukua nerrisârkit. Takkuk, maungartuksaungimarikpotit kingorngane, ai? Ittikatit ikomaub sânganut illisârkit. Tujormidlarnak.”

Sorrutsib takkonârpâ kênakarlungê kuviasuktomik, kaninele tetteluarêrpok niakojamut, taimaimat kiojungnangilak, arloalaklunele nellonailivok kuviasupâdlarnerminik. Angutib attaruilivlune pògutat kajûtallo illivait pòksanginut, illânele nokkarpok sorrusek takkonâromavlugo.

“Kinauvêt?” aperisinnarpok. “Kujannale, kauji-jomangilanga kinaunernik.”

“Jessikamik attekarpunga,” niviarsiak okarpok, “anânamale inuillo illûnatik taivânga Jessemiktuinak. Anânara sugaluksarlungilak pattaklunga tukerlungalo putjuklungalo. Takkuît!” Tallinelo takkojautipâk.

Talligik putjutaunermut keujamullônêt tungulâng-amangângnik itok okarungnarlungilak, illeketamârpore, sorruserle pigannerpok, “Tamânêtsominadlaralloarpok tamât, igville angerarniarpotit mâmma, uvangalo maungarungnairniarpunga.”

“Illâle,” angut okarpok, nippikitôvlune, “angeromaguville maungaromanak voche illuitok nâvlugo, kinalônêt okautinago, unêt attausiardlutit maungarungnalârpotit sulle. Aitorniarpagit amma, mânnale aulartuksauvotit.”

“Aularniarpunga,” niviarsiak okarpok, “ikkajorkârlaulagille perkutitit angerautiligit.”

“Aukak, aukak!” itok kiovok, “sorrusertut nâletsartotut aulartuinarit. Kammatsiarille, voche nâvlugo tautugomangilagit.”

Jess ahailârpok, akpangerlungelo apkosinekut, nellonailivok angitsiarnerminik. Kâfesorviublo inuata perkutine nûpait, takkuksaulungilarlo uvlok nâvlugo.

KAPITEL II. Jessikab oktorluktauninga.

Jess nellagôrtomik nellautsititsivok angernerilauktaminik, angutiblo allakausâralloaramiuk kaut tamat,

sallôjokulluk takkungilâ. Nelliunerle okautigijaujok nelliutitermat, sorrusek sakkijârpok okkijivigilugit ijingnut kâdlartungnut kakkôjat niakôjallo nippak-palliajut pissiniartut pijomaningnut. Kâfesorviub avatâne nangertuinarpok uimajârlugane, pissiniartut nellekârdlutik kailutik aularlutiglo takkonârlugit, nellunaikutak kattimaviub kannitomêtub nuvugusing-anêtok sivanerkârtinago 8 enik. Kannilermat sâmüt, angutib nullorarpâ, innigilauktanganullo sivorngane ailune amargaujak pussingajok iksivautarivâ. Angutib ijigingnut sallônersaukôrpok annorângalo alliktorsimanersauvlune sivornganemit, nagligilugolo niakôjarulak illuitok illivâ sorrutsib sânganut, sorrutsib kâfelik kongmuartingmago kaniminut aggangnut tamangnut tungulângajungnut.

“Kinauvêt?” Sorrutsib angut aperivâ, arlorvigigamiuk ijimingnut kebleriktungnut.

“Atso-illâ! Tagga, Danieleôvunga,” angutik kiovok.

“Nanêmiongovêt, Mista Daniel?” sorrusek aperilerivok.

“Takkuk! Iktoriktaidlarniaruvit,” Daniel okarpok, “aulangârtuksauvotit. Kaujigiakangilatit, nane iglokarmangârma!”

“Kaujijomatuinarkauvunga, angut ajungitok illikut nane innekarmangât. Igvit angutauvotit ajungitok, ai, Mista Daniel?” Jessika okarpok issumaling-asuerdlune nikkanarsarlunelo.

“Nellovunga, kollarpungale!” itok kiovok innilaigosuktotut issumakut.

“Taimaidlarpotille,” Jess pigannerpok, “ânanau-dlartomik kâfeliorpotit, niakôjarulaniglotauk! Polisit kammagingilatit, aularkolungilatillo. Naumâne, inutsiangôdlartuksauvotit.”

Daniel annersaumilerpok, pôgutallo kajûtallo kammagivlugit tattaminarpok sorrutsib issumanganik

ajunginek pivlugo. Ânanamik kâfeliorsôngovok, polisillo pagvisarlungilât. "Miksekârtôvok," okarpok ingminut; annersaumilerivorlo. Kênaujat kattorsortane ikpiarsuminut kittinamigit, pijarellune kattaivok attautsemik nunamut, kittitsigannerporlo attaruuilune kammangitsertorlune. Niviarsiarle kannitamine ikshivajok kammagitsiarkassiutivâ kanok piniarniarmangât. Kênangata tautua sokkoserlugane, sorrutsib kênaujak mattuvâ ittikaminut, pilloriksârlunelo nussugiarpâ. Annikitomik Danielib ominga ânialerpok, tagvainarle kuviasutuinarpok, tigликтokulluk nellunginamiuk. Mâna angerarniarpok, aularkâranele sennibvartiniarpait ittigangit, kênaujakulluk ijertaumajok sagvartaurkovlugo, taimailikârdlunelo innerterniarpâ tagvane sakkerungnairkovlugo. Issumavok, 'Tagga, tamadja opigosungninga. Magguertorlunga uvlârsiutiksanganik tunitjivigisimavara, piviksakatualemallo tiglikomervigigasuarpânga.' Taimak issumajârutekartilugo, nutte Jessikab tautua sokkosersaraipok. Ulluâk kattaktitûk aupalerpuk kugvillo allakkarput ijigingne. Okkolune kênaujak ittikame attânit tiguâ, allarterlugolo annorâmine, illilâlo sâb kânganut Danielib aggangita sennianut, okausekaranene attautsemiglônêt. Danielib takkonârpâ katsungaidlune.

"Sunanâ?" aperivok.

"Tagga, Mista Daniel," Jessika kiovok, "kattakpok tussarlungilallo."

"Jess," Daniel okarpok illungertorlune, "tamainik kigligiutilaunga."

"Illa, Mista Daniel," mannitjorlune okarpok, "kattakpok nunamut aksakârlunelo ittikama attânut, ijerparalo. Pitsiarnit, niakôjarulaillo kâfiblo mamadlarninga issumagivakka, aukanersatigamgalo kiaksauteârule, ijerungnairpara tagva. Maungarungnairkoniarparma imakka."

Daniel sangugalâlerpok annikitomik, erkinaingoarpok pôgutat kajútallo illivlugit amarganjamut angerautitsomavlugit, Jessikale sajuklune nangertuinarpok tagvane, kugvit kattakattartilugit ulluanganut. Terrekokulluk, pitalik kiaksautemik kâfitsiarmiglo paradiseôjârkassakpok tâpsomunga, mânnale ajornime annitiniarpâ paradiseôjârtomit omangat. Daniel sangusinnalerivok, sorrutsiblo kênanga kugvilik tautuklugo.

“Jess!” Daniel okarpok, “taimailijungnarajarlaungilanga nangminek. Uvlome Mittvocheôvok, Mittvochene tamaine uvlâkut maungarungnarniarpotit, kâfekatsainarniarporlo piksarnik.”

Jess issumakaralloarpok Danielib okausingit tukkekarmatta imâk—ijersijungnarajarlaunginame kênaujarmik ittikame attânut—taimaililungigalloarporle. Tukkekarpot, kigligiutsinek taimaitok kigligiutigijungnarajarlaungimago. Jess aularpok kiksarlune nikkansarlunelo, kувiasukassiudjivorletauk vochit tamât tagvungarungnarniarnine issumagivlugo.

KAPITEL. III. Jessikab Daniel mallikpâ.

Tagva vochit tamât Jessika aitortortauvok pilliusiamik illanâminut nutâmut.

Jessikab iglokulluk iglogivâ. Sivorngane kemmatulliviksaulaukpok iviksukanut pannertunut, horsib innigilauktangata, mânnale siutekortôjuk inniksakita kollâne. Itterviôvok majutit tungmeralit serkomisimajunik annajanartuniglo attorkârlugit, upkuakut kolliub nettinganêtokut. Iglomêviksangata illua siutekortôjub inniksangatun sunakangitotun ipok, sinnigvinga ivituinauvok netterme, iksivautakarporlo iviktânik sâtuajakulluniglo. Akkunit anânangata pattangaititsungnairpâ nerkiksamik annorâksaniglo, tai-

maimat niviersiak ikajusersioriakarpok kennugiakar-
lunelônêt inôgutiksarsiniutiksaminik. Opinarane,
ajoksarkattarpok. Jessika pijekullôvok sillalinut
unuktunut. Illanginut sullititauvok sugaluluartomik,
illanginut piniarnerlugviôvok; anânaminut tukkar-
tauvok annaulertauvlunelo, taimaimat okumaidlartomik
inôsekarpok.

Uvlut illangane unnuksame tâksitilugo, Jessika
aisimalaukpok iglome kannilungitanganut, nutte tai-
kane illanga Mista Daniel allakkarpok. Kernertanik
annorâlijarpok, kakkortamik kôngeselitalijarlarmelo,
sukkaliluganelo arvertarpok apkosinerme kollersoarnut
kaumatitaujome. Jessika illerasukpok okarvigivlugo,
kannitokassaktomele mallikpâ, nokkarkâr-
tinago igloksub—sunaubva kattimaviksub—avalung-
ita upkoangata kikkiangôjub sângane. Upkoak
pallangairutjarlugo sivumuarpok igloksub upkoar-
soanganut, pallangairutjarlâllo pêrutimut angijomut
okumaitomut, tagvungalo itterpok. Sorrutsib ittaktor-
lune mallikpâ, nokkarporlo upkoarsub sillatâne
ikkomakarârtinago illuane. Daniel ikkitsingmat
kollit illanginik, Jessika ittaktorlune upkoêrpok
takkojomavlune sunaumangât illuane. Tâgalakpok
sulle, Danielible kollit illûnaita nellekârdlugit ikki-
lerpait, kaumavalliangmallo iglub ânanaudlartoksô-
ninga sakkijârpalliavok. Jessika kuviasuluarpok
orgelib nipjautingit keblersimajut takkogamigit.
Mânnakut kivgak Daniel ajokertuijub utakkinganganut
itterpok, iksivautallo tachaliningine Jessika paungar-
pok orgelekarviub majutingit tikkidlugit. Taipso-
neluatsiarle Mista Daniel sakkijâlerivok, takkijomik
kernertanik ullikpâmik annorâlijarlune, sorlo kivgat
illangit attorvangmatta taunane. Jessikab tattami-
niarlune takkonârpâ, annorâmik taimaitomik takko-
giorame. Danieleletaup tattaminiarivok, Jessika tak-
kogamiuk.

“Takkuille,” okarpok suaklune, “tamângat anni-juksauvotit. Inniksakalungilak ovane illiktun-itunut. Inungnut akluitunut kissiane illingavok, taimaimat annisârit ittertokarkârtinago. Kanok apkutisivêt ovunga?”

Jessikab okanga kergatangajungnairpok, kiovorlo: “Anânama sugiarkauvânga, iglomillo annitipânga apkosinermut, tagvanelo takkogapkit, mallikpagit. Tagvainak anniniarpunga, Mista Daniel, iglutsiangôvorle una. Arnat anguttilo akluitut sumik piniarsôngovât maungarangamik, Mista Daniel? Okautilaunga, illa, okautilaungatôk, tuavitomiglo anniniarpunga.”

“Tamaungarsôngovut tuksiaromavlutik,” Daniel issivsorpok.

“Tuksiarlutik? — tuksiarnek sunauvâ?” Jess aperivok.

“Takkuk,” Daniel kiovok, “serkortorsôngovut, ajokertuijublo Gûde okautivâ, sumik pijomangmangâta.”

Jessikab Danielib kênanga okkijivâ kerataumilune, aperivorlo tagva: “Ajokertuijok sunauvâ? Arnat anguttilo akluitut ajoksarkât sunamik? Ussemalo, tâpkoa attoriakartamingnik tamainik pikarkôrput, Mista Daniel.”

“Taggale annijuksauvotit mâna,” Danielib okautivâ. “Omat! Tamadja okalugvik, tagvane ajokertuijub okâlavigivakpait; tamakkoa iksivautat, makkonane iksivalutik nâlaksôngovut ajokertuijub okausingnik; taikalo tagva orgele, aulatsisôngovok tuksiartunik. Tagga, tamainik okautivagit, taimaimat maungartuksaungimarikpotit kingorngane.”

“Mista Daniel,” Jessika okarivok, “terrekokangilâk tachisimajomik ijervigijungnartannik?”

“Ahaila! Ahaila!” Daniel kiovok, “Attê, annituarit mâna, mânakullukut ittertokarniarmat.”

Jessika sukaitôvlune upkoamat ailerpok, keviar-

kattarlunele, mânêtsominadlarpôrlune sorlo. Tagga, ijerviksamik takkovok upkoab iglorusermê tub tunuane, takkojaunanelo tagvungarpok, tagvane pagvisartauniarkônginame. Tuksiariartortut tikkilerput tuavi. Jessika, ijervingminêdlune, tussarungnarpok annorât saidelit ulluksâlungninginik, takkojungnalarmelo arnanik angutiniglo ittertunik. Attausiardlune issakpok arnaub kângertub ulliksoanga merkolik aktoromavlugo. Takkovâ Mista Daniel inungnik ittertunik iksivaviginiartanginut tessiortilugo, tussarivoktauk Mista Danielib polise aperingmago, takkosimamangât sorrusermik annorâlungmik alliktorsimajunik kikkartuinartomik kattimaviub kannitangane. Mânnakut orgelesijartokarpok, imgitillo tuksialerput. Akovilune ijervingmine, Jessika kerataumilune nâletsarpok tuksiartunik. Okarungnarajalungilak suna pivlugo keamangâme, kugville taimak tuavitigijomik kattakput tukkekalungimat pêrasuarlugit ijikita issugingnit aggaminut, taimaimat pâmaktertuinarpok nettermut kênanga pûlugo aggaminut, keatuinarpôrlo agviartaililune.

Tuksiertut sorairmatta, Jessika mallugosukpok okartokarmat, okausingille tukkisijungnalungilait. Inukangimat assianik igloruserme, kattimaviublo upkoanga upkoartaumangmat, Jessika makkipok nettermut ajulerlune kappiasuklunelo, issumagilugillo kaumanek, kiakpallungnek, tuksiartullo takkamane. Annilunelo apkosinermut keujanartomut angerarsaraipok omatekarlune okumaitomik.

KAPITEL IV. Jessika takkojauvok.

Taipsomane kingorlerpaulungilak Jessika ijermat igloruserme. Kajungilârnek kuviasungnerilauktanga tukkisijomangmilugo sâlagilugo sapperpok. Sonntag-

ene tamainekassak pigârpok apkosinerme kanga takkojaunane itterviksarsijungnarmangâme iglorusermut. Illisimasaraipok kanok akkunertigijomik Daniel sulliaksakasôngomangât ikkitsilune kollernik ; kangalo anniviksak nelliutingmangât takkojaujomangitomot. Illitarksilersaraipok ajokertuijub kênanganik, itterkattarmat upkoakut kattimaviub senerânêtokut, naingalune niakuminik, sorlo issumaksarsiorutekadlartotut. Tâpsomalo pannikita, Jessikab jârekattigikôrtâkita mallikpâk kênakarlutik uimajângitungnik saimajungniglo. Jessikab ajokertuijub kittorngâgik nagligivâk, issumakarkattarporlo sunamik piniarpallungmangângnik kattimavingme, inniksakangitome sorrutsemutannorâlingmut alliktorsimajunik, kammilasuktomullo nangminertut.

Uvlokortôpalliingmat aujalermat, unnullo kaumnersaungmatta, Jessika vochit tamâtillimasukpalliavok takkojauniarnerminik, sullele kувiasutigijanga Sonntagene nok kautitsomangilâ. Kajusinajarpok tagvungatsainaromavlune takkojaukârtinago, keta sinnaungasarkôrpok Danielemik, taimaimat issumajârutigivâ. Sulleleissumavok pitlartauluarajarpallunginame kattimaviub iglorusinganênine pivlugo.

Jessikale takkojausinnarpok. Unnusat illangane ajokertuijub pannigik tikkisarailutik kattimavingmut, sorrusekullungmik annorâlingmik alliktorsimajunik, nessalijângitomik, kammilasuktomiglo takkovuk, ittermat nippaklunelo iglorusermut. Nokkarlutik takkonautivuk, taimailerkârdlutiglo tigulertutilutik atâtamik pairijaksanga saugakutaujok una nutâk mallikpâk. Ijingit takpiktut kangêsusaraiput ittigârsuit kausertut tuninginik ujarkanik netsitilingme sallumajunik, tagvainarlo Jessika naipipâk akovijok upkuab tunnuane.

“Daniel kairkolaulavuk!” nukardlek okarpok, angajune tigumiksarlugo. Jessikable tussarpâ, ablор-

ungnarkâratiglo attautsemik, sângangnut mingerpok, illungertortomik kennujomiglo kênakarlung.

“Annititaurkoniaratingatôk!” kaigarsukpok. “Aklujokullutuinauvunga, tamannalo kувiasutetuarivara. Akkulaitomik takkolauksimavaptik, annititsiniarasugilaungilaptik uvamnik. Kannoelungilanga upkoab tunnuane.”

“Niviarsiakulluk,” aipanga okarpok, nippemut pitsiartomut illeranalungitomullo, “issumakangilagak pitsiarnangitomik ilioromavlutit, suna pivlugole ovungarkattarkêt? Suna pivlugolo ijersôngovêt upkoab tunnuanut?”

“Tuksiartut orgelesijartorlo tussarneridlarpakka,” Jessika kiovok. “Kaujimagalloorpunga arnanut angutinullo akluitunut illiptitut kissiane kattimavik illingangmat, attausiardlungale itteromadlarloorpunga.”

“Uvappingnut illautuinariakarpotit,” nukardlek Winnymik attelik okarpok katsungaidlune. Jennible angajukliôjub aggane illivait nukarme tallinganut issaktomut, Jessikabannorângitalliktorsimajutnujangillo illakemajut kemergogamigit. Takkuksauvok iglomêviksakatsiangitokulluk una sallumailuarmat ingerkojaksaungimallo sennigingnut. Winnible, nukardliub, kiksartitauvlune, angajune takkonârpâ, tuavilunelo Testamentitâk makpiterarlugo okarpok: “Tagga! tamadja atâapta kemergojaksarilauktangit mânnakammek: ‘Angut kattimavipsingnut itterpat Goldemik ketterdermilik ânanaudlartomiglo annorâlik, aklujorletauk annorâluhtok itterpat; kammagilerupsinglo annorâtsiariktok okarvigilugo: Maunga igvit ingitit ânanaunersamut; aklujomulle okarupse; Ingane igvit nangilerit, maungalônêt ittikamnut ingitit: nâmaktomik issumaginajangilasse tamanna, erkartuijôlertossele, idluitomik adsigêngititsivluse.’ Tagga! niviarsiak una neksangikuptigo iksivautappingnut nâmaktomik issumaginangilavuk.”

“Kaujimangilanga sunamik piniartuksaumangâm-nuk,” angajuklek Jenny kiovok, “Gûdib okausingit tukkisinaralloarput, nellonangitomiglo okarput, atâ-tavugle nâmagosunajangimat taimailiorniptingnik kaujimavikpunga. Kattimaviub kivganga aperilau-lavuk.”

“Aukak! Aukak!” Jessika kaigarsukpok, “Mista Daniel aperiniaratikkotôk, takkotiniaratikko uvamnik mâne. Kainiarungnairpunga, illa kingorngane kainiar-lungilanga, annerkojomatuaruptinga mâna.”

“Takkugle, niuarsiak,” Jenny okarpok pitsiarlune, “atâtavuk ajokertuijovok, illagijomaguptiguglo aperi-niarpavuk, sunamik piniartuksaumangâm-nuk.”

“Mista Danielib takkoniarpângâ?” Jessika aperi-vok.

“Utakkivingmêtokangilak atâtapta assianik,” Jenny kiovok. “Kanok piniartuksauniptingnik okautiniarpâtiguk. Erksiginiangilat, ai?”

“Erksiginiangilara,” Jessika kiovok, kувiasuklune, tessiormakko kattimavikkut utakkivingmut.

Jenny ittaktortomik avilortarpok upkoamut tag-vainarło nippe tussartavok okarlune; “Ittilaurit.”

KAPITEL V. Jessika tattamnartunik tussarpok.

Ajokertuijok iksivavok iksivautatsiarme ikkomab sângane, tuksiarutsekarlune aggangmine. Tamakkoa pattiktípait sorrutsit pingasut sakkijârmatta. Jenny Winnylo aivigivâk, Jessika, kemaklugo upkoab sen-niane, katsungaidlutiglo unipkautivâk issumajârutigi-jamingnik.

“Kailaurit, sorrusek,” ajokertuijok okarpok, Jessi-kablo aivigivâ sânganelo nangerpok, ijikita tâpsoma ijigik takkonâtsiarlugik.

“Kinauvêt, sorrusek?” ajokertuijok aperi-vok.

“Jessikauvunga,” kioвок. “Ajokertuijôvêt?” aperisaraidlarpok. Kungalune ajokertuijok ahailârpok.

“Ajokertuijok sunauvâ?” Jessika aperilerivok.

Ikkoma okkijilugo issumaksarsior totut ajokertuijok kioвок: “Kivgauvok.”

Jessikab katsungaidlune takkonârpâ, tâpsomalo Jessikab kênanga takkonârivâ, Jessikalo aperivok: “Kia kivgarivâtille?”

“Gûdib kivgarivânga,” kioвок kungatailivlune, “igvillo Jessika kivgarivarma.”

Tamattomunga sorrusek illekettamârpok, kungavorlo, iglub perkutingit kemergogamigit. Sorrutsible kunganinga issumalingasuertok âniatitsikôrpok ajokertuijub omatinganik, kugvillo sak kijârput ijigingne.

“Gûdele kinauvâ?” sorrusek aperivok, “Anânaga ningajarangat okarsôngovok, ‘Gûdib saimarlinga!’ Kaujimavêt Gûdib kinauninganik?”

Kiojungnarkârane upkoêrpok, nuttelo Mista Daniel ittervingne nangerpok. Jessikab tautugamiuk kappiasukpok nakimarnilunelo, sorlo annijomajotut ijeromajotullo.

“Jessika,” ajokertuijok okarpok, “inniksakarpok sâb sânganeluatsiak iksivautarijungnartarnik, taututsainarungnarniarpagillo. Uimajâdlarniarnak nâletsiarille, tussarniarpotillo sunatuinarnik Gûde pivlugo. Daniel, sorrusek una iksivautat sânginut tessiulauruk okalugviub majutingita kannitanginut.”

Jessikab kuviasungninga angijôvok kattimaviub illuanut tessiortaungmat, ingimallo orgele kebleriktok niplialerêrtok sângerlugo. Ajokertuijub pannîgik iksivavuk Jessikab kannitangane, kungavigilâllo illanârnartomik. Jessika pilloridlarpok, kangusulungilarlo. Ajokertuijok kannoetunik okausekarmangât Jessika kaujimatsiarlungitogalloak, nippingale tus-sarneridlarivâ, kênangalo pitsiadlarpok Jessika takkonârmago.

Daniel innilaigosukôrpok, Jessikable erkagiluarlungilâ, katsungaidlunele illiniarasuarpok ajokertuijok Gûdelo sunaumangângnik. Kuviagivâlo erinatsiak, Nâlekab tuksiarnelauktangata ingerutigijauninganut attortaujok, kattimaniksab sorairutiksanganut.

KAPITEL VI. Jessikab tuksiariorninga.

Tuksiartut annisimangmatta ajokertuijok okâlavingmit annivok, Danielib Jessika annitiniarmago. Ajokertuijuble Jessika aggangitigut tigumiarpâ, tessiorlâllo utakkivingmut, malliktauvlune kittorngângminut, Jennymullo Winnymullo. Mergortortôjârtotun ingilune iksivautaminut, Jessika sâmînut pitipâ okkolaklunelo nippikitôvlune okarpok, "Nâlegak, tamakkoa saugakutigivattit. Ikajulaungatôk saugârsukotitit nerritilugit perkovlunga." Mânnakullo kungalune okarivok, "Sorrutsit! Gûde illitarilugo okkilungilak. Attautsemigle kaujimavogut, tamadja: Atâtagigaptigo. Atâtagivara, Atâtagivallo Jessika. Nagligivâtit, Jessika, pairiluarpâtillo nertornarnersamik pairksinimnit pannikullumnik ominga."

Jessikab, tukkisitsiarungnalugane ajokertuijub okauserijangita tukkinginik, okkijivâ tattaminiarlune sajuklunelo, kiksarnadlartomiglo okarpok: "Atâtakalauksimangilangale."

"Sorrusek naglingnadlartotit," ajokertuijok okarpok nippikitôvlune, "Gûde Atâtagivat. Illinganernik tamainik kaujimavok, illûnânengmat. Tautugungnangikallopavut kennuvigiguptigole pijariakartavut pivlugit, tussarpâtigut, kiovâtigullo."

"Ûvangakulluk kennuvigijungnarpigô ukkutitunak sorrutsititit annorâkatsiartutitit sallumalutiglo?" Jessika aperivok ittikane salumaitut annorânelo sallumaitok alliktorsimajok takkonârlugit.

“Sokiak,” ajokertuijok okarpok, “männaluatsiak kennuvigijungnarpat pijomajattit pivlugit.”

Jessikab iglub perkutingit takkonärpait ijingnut uitalariktungnut, sorlo kennerasuarmat Gûdemik ; männakullo ijingne mattulugik, aggangnelo pârtilugik, nippekarlunelo katsungaitomik, okarpok : “Nâlegak Gûdik ! illitarijomadlarpagit. Mista Daniel akkilêvigilauruktök kâfemik ónartomik illunânik pilliutigisimajanganik uvannut.”

Koaksângalutik okautajungnangitomik ajokertuijub pannigik nâlakpuk, ajokertuijuble ijigik kugvikarpuk okarmat, “Amen,” Jessikab tuksiariorninganut.

KAPITEL VII. Apertsutit okumaitut.

Daniel piviksarsilungilak Jessika okarkattigilugo, Jessika upkoakut assiagut anningmat. Taimaimat utakkigiakarpok Mittvocheônia tikkidlugo. Taip-somanele Mittvocheme Jessikab kênakullua kuviagidlarpâ kâfesiörviub sângane sakkiärmat. Daniel okarungnarkârtinago Jessika sâb kinguanôrpok iksivautarilauktane amargaujak pussingajok iksivautarimilugo. Kaigarsukporlo : “Mista Daniel ! Gûdib akkilêvigivâtit kâfemik pilliusiarilauktamnik ilingnit ?”

“Akkilêvigilunga,” Daniel okarpok, “akkilêvigilunga ; aukak !”

“Kujanna ! akkilêviginiarpâtit,” Jess kiovok. “Pingigârtuksaungilatit akkiksanganik, Mista Daniel. Unuktoertorlunga kennuvigisimavara, ajokertuijorlo okavikpok Gûdib akkilêniarninganik.”

“Jess,” Daniel okarpok katsungaivlune, “ajokertuijok unipkârvigiviûk kâfesiviksakarnimnik ?”

“Aukak !” Jess kiovok kungalune, “okautilaungilara, Mista Daniel. Gûdele okautisimavara unuktoer-

torlunga Sonntageôninganit, akkilêviginiarpâtילו uvlune tamakkonane, tamanna nellonarlungilak."

"Jess," Daniel okalerivok, nippikitôvlune, "kamaniarnak akkilertauniarnimnik. Tagga, sungen-tutiginiarpagit. Kangalônêt uvanga pivlunga kâfesiviksakarneralônêt pivlugo okausekarniarnaktôk. Illagêt kattimaviptingnut illingajut nachogingoarmanga pikullônasugingoarmangalo kâfesiviksakarnimnik kaujimakpatta. Aglât perkojijungnarajarput kivgaujungnairkovlunga, taimaglo assiojinajarpunga sulliviksamnik, taimaimallo kênaujarnik sutaijârtunik."

"Suna pivlugole kênaujarnik unuktunik pijomavêt?" Jess aperivok. "Gûdemut tunivakkigit?"

Daniel kiolungilak, omingale kibliktaulerpok apertsumut tamattomunga. Illa, suna pivlugo kênaujarnik taimak unuktigijunik pijomavâ? Iglotwane sunakaluarlungitok issumagivâ, kuvianartokaluarlunginingalo. Aglavine pallangairsimajok, pôgviojok kênaujarniarviub aglanginik nellonajijunik kanok unuktigijunik kênaujakarmangât tauksêjut aggangine, kênaujakauteliglo goldelingnik sutaijârtunik, sullijutigilauktanganik uvlunik unuktunik, Sonntageniglotauk, issumagivait. Aulajijungnalungilak aitortuisimamangâme sunamiglônêt, kâfib amiakungita niakôjarulaillo nutaungitut assinginik, tamakkoningalo Jessikab akkilertaukovâ Gudemut.

Daniel koertorpok, ijingnelo aksalikipâk, taimailikârdlunelo, aggangnut sajuktungnut kênaujakullungmik attautsemik tigusivok kênaujakautiminit illilâllo Jessikab aggananut.

"Aukak! Aukak! Mista Daniel," Jess okarpok. "Kênaujatit uvamnut tunijaukolungilakka. Gûdele akkilêkovara illingnik."

"Ahaila! akkilêviginiarpânga," Daniel issivsorpok. "Gûde uvokalârpok akkilêviksamik sukutsiane."

“Gûde uvlokasôngovâ akkilêviksamik?” Jess aperivok.

“Ahamarik,” Daniel kiovok, “Gûdible akkilêviksanganik kuviasutekartut unuktôlungimarikput.”

“Igville kuviagidlarniarpat, ai, Mista Daniel?” Jess okarivok.

Danielib uvlârsiutetortipâ, nangminerlo issumajârutigilerpait issumait, Jessikab apertsutinginut tupaktitaumajut. Erkasautime okautivâ, kuviasudlarnianginame uvlorme Gûdib akkilêviginiartangane. Kammatsiarlune Jessikab kênaujakulluk kellaksorpâ annorâme alliktorsimajub sukutsianut, kungalunelo aularpok ikautêalub tachalininganit, Danieliblo mânakut takkojungnairpâ.

KAPITEL VIII. Jessika nellipsartauvok nerriugijaungitomot.

Jessika iglome kannitanganut tikkigame, perajaludlartunik takkovok, akkornnganelo angutimik takkijomik. Jessikab tagvainak illitarivâ, ajokertuijôngmat inna kattimavingme illitarililauktanga. Kerdlerutilune inuit akkornngatigut, Jessikab ajokertuijok aivigivâ, ajokertuijublo kênanga kaumalerpok, Jessikab sângermago. Apkotikitokut igluit akkornngatigut ajokertuijub Jessika mallikpâ, siutekortôjuk inniksangagut—mânnaluatsiak siutikortôjokangigalloartokut—majorarpuglo majutitigut nierkudlartutigut kollipâmut kuvianartokangitomot. Makpilitat kattakassalerput illumut, igalâllo serkomisimajut mattujautuinarput kablunaktavinernut allakapsâjamullo. Kiaksautiviniub mangertornisimajub ikkomakarkattarlungitub kannitangane, sâtuajakarpok ikârtunik iviktânik, tagvungalo ajokertuijok ingipok, Jessika ingilertilugo nettermut tâpsoma sennianut. Kiksar-

lune ajokertuijok aperivok: "Jessika! tamanna iglogiviuk?"

"Ahaila," Jessika kiovok, "ânanaunersamigle omangat iglokalaupoguk, anânaga pingoarmat iglome allianartolingme, uvangalo angakkungoarârsôtilunga tagvane."

"Sorrusek," ajokertuijok okarivok, "kaivunga mânna anânait aperijomavlugo, illiniarvingmut airkoniangimangâtit."

"Ahaila," Jessika kiovok, "anânama illiniarkolungilânga aglalerinernik, kattimavingmullônêt airkolungilânga, tamakkungnunga sujuktautuinarniaramagôk. Anânaga tallatsainarpakpok Sonntagene," issumalingasuerdlune sorrusek okarpok, taimaituksaunajarpâpat sorlo.

"Sunamik pivlutit piniarungnarkêk?" ajokertuijok aperilerivok kiksarlune.

"Sunami-olungitok," Jessika kiovok. "Annorânik ânanaudlartunik pannikpit annorângititut tunitsiviginajarumga, anânama aulaituinarajarpait immiâluk-siniutiksarsijomavlune. Tussariartortuinarlinga okâlatilutit Sonntagene, unipkautilaungalo Gûde pivlugo."

"Anânait nanêkâ?" ajokertuijok pilerivok.

"Anânaga tallagiartorkatausimavok," Jessika kiovok, "nellonarporlo angerarniarmangât uvlut kapsit nâkârtinagit. Nâlengnajarlungilak illingnik, mânêgalloarune. Sukutsiane ajokertuijokalaupok ovunga ittertomic, anânamale annitipâ pusigartilâllo majutitigut, ânerpâlo angijomik."

Ajokertuijok nippangerpok akkunêgiadlak, kênangalo nellonaijaivok issumajârutekarnerninik sinnaungajutiksakarnerniniglo. Okarsinnalerivorle aperilune, "Mista Daniel kinauvâ, Jessika?"

"Takkuk," Jessikab kiovâ, "illanârivara illigilâllo; kâfemik tunitsivigikattarpânga."

"Kâfesorvikangilâk?" ajokertuijok aperilerivok.

Jessikale okkulatuinarpok, kiojomalungilarle.

Tava ajokertuijok aperigannerpok, "Kajûtak kâfetalik sunatorkâ?"

"Kajûtak illuitok pensetorpok," Jess kiovok tagvainak, "abvaksiviksauvorle; amma niakôjârulakarivok pensetortunik pensiblo abvangatortunik."

"Kâfetsiangovâ niakôjârulaillo ânanauvât?" ajokertuijok aperivok kungalune.

"Illa, ânanaudlarput," Jessikab okautivâ.

"Takkuit," ajokertuijok pigannerpok, "illanât okautiniarpat, kaut tamât kajûtamik illuitomik niakôjârulamiglo pensetortomik kaitsijuksaungmat, akkilêviginiarapkolo tâpkoninga, aikleromajarangat akkik-sanginik uvamnit."

Jessikab kênanga keblerpok kuviasungnermut, tamattominga tussarame, tagvainarle kattalungavok erkailerame Danielib kaujijaujomanginganik, kangasinâgiglo sajukpuk okarame: "Ajornarpok! kajjungnarajangilak, illa, kajjungnarajangilak. Kanningitôvok, Mista Danielelo pissiviôsôngovok unuktunut. Illa, kainajarlungilak illingnut kênaujat aijomavlugit."

"Jessika," ajokertuijok okarivok, "okautiniarpagit, sunamik piniaromangmangârma. Sonntagittamât shillingemik kaitsiviginiarpagit angeromaguvit shillinge tâmna tunnijomavlugo illanângnut, takkotuarungne. Kaujimaniarpunga, uivêrigunga. Piniarungnangikal-loarpunga sunamik pivlutit sulle, ai?"

"Aukak," Jessika kiovok, "sulle okautilaungatôk Gûde pivlugo."

"Mânnaluatsiak attautsemik unipkautiniarpagit Gûde pivlugo," okarpok. "Angerautinajarupkit iglunnut pannikullukka illagellugik, ubvartaujuksau-najarpotit annorâtartuksauvvlutillo nellopkotikonak. Tagga, uvagut taimak ajortoliksôtigivogut nellopkotingijungnarajanginapta kilangmik kuvianartoving-

mik, Gûdib nâpkigosungninga pingipat. Tâpsoma Ernine Jêsuse Kristuse tillilaukpâ tunitjerkovlugo uvaptingnut annôranik nutânik, nellopkotijungnairkovlutalo Gûdib iglunganut kilangmêtomut itterluta. Taimaimat, sorrusek, Gûde kennuvigigungne sunamik, imâk okatsainartuksauvotit, 'Jêsuse Kristuse pivlugo.'

Okarêrlune ajokertuijok kammatsiarlune akkarpok majutitigut, malliktauvlune Jessikamut, tâpsomalo ajokertuijok tessiorpâ sivitolungitokut iglugaseksuit apkosiniâlungita illanganut. Tagvane ajokertuijub aksunairpâ, okarlune; "Gûdib saimartililit, sorrusek!" nippinganullo Jessikab omatinga kibliktauvok. Sekspensetortomik illijivok Jessikab agganginut uvlârsiutiksarserkovlugo uvlânik pingasunik mallingniartunik, Jessikalo akluitotut angerarpok iglominut piungitôjomut.

Kaungmat, Jessika piojorilune sakkijârpok Danielib kâfesiörvingane pissiniaromavlune; akkilêkârporlo piniartaminik uvlune kainiartune.

KAPITEL IX. Jessikab tuksiariorninga kiojauvok.

Sonntagit unnusangine tamaine kammilasuktokulluk nessalijângitok takkojaujungnarpok illerasulugane kattimaviliartok, ullilijartok ajokertuijub panningata ullivininganik, taimaidlunelo sivornganetut nachonartigijungnairpok illagêt takkoane. Okâlavingme kammatsiarnersaujokalungilak sorrutsemit omangat, ajokertuijublo kingomanajarlaupâ, kênakulluk una katsungaitok takkuksaujungnairpat okalugviub sângane. Kattimaniksak sorairmat, ajokertuijub Jessika okarkattigivakpâ ketamik utakkingme, shillingelo angerutaulauktok attuinautsainartok kaitauvok. Jessikab amma shillinge tuni-

tsainarpá Danielemut annigame kattimavingmit, taimaglo uvlârsiutiksangit akkilertauvt vochemit vochemut.

Sonntagit unnusangita illangane ajokertuijub sâliarame kênakulluk kâdlartok katjârtok kingomavâ, shillingelo atuinaujok kollerutsivingme utakkivingme tigujaulungilak kattimaniksab sorairningane.

Paingudlarlune Danielib utakkivâ kaut tamât, Jessikale sakkijârlungilak inginiarlune Danielib seniane sâb terrekoane, uvlârsiutiksakarune sânine, apertsutekarlunelo sunatuinarnik. Angijomik kingomavâ, issumajârutigilâllo. Suna pivlugole taimak issumajârutigivaûk? Sôg apertsorsimangilaûk Jessika nane iglokarangât? Taimailivlunelo angerarpok, kênaujarniarviublo aglangit kemergovait. Kênaujane tauksêjut agganginêttut, sorlo aglait nellonajaingmatta, kittipait, kuviasudlarlunelo nagvarpok paundinik 400 enik kattersoisimagame, unuksivalliatinamigillo voelit tamât.

Sonntagib kingorliane Jessikab iksivautarivaktanga inukangimingmat, Danielib issumajârutekarninga sâlakarsinnarpok udsertutsiarasuarninganik kauji-jaujomangininganik. Kattimaniksab kingorngane ajokertuijok utakkivingmut aisimavok, shillinge atuinavok taikane kollerutsivingme, nutte, avilortartokarpok upkoamut, Danielelo nikkansarlune itterpok.

“Kanok issumakarkêtt, Standring?” ajokertuijub aperivâ. (Daniel taimak attipsâkarmat.)

“Innilaigosukpunga sorrusekulluk Jessika pivlugo.” okarpok. “Kaujimagalloarpunga attausiardlutit nellipsalaurangne iglungane, unipkautilaungmanga tamattominga. Taimaimat aperijomavagit, nane iglokarangât, takkojartoromagama kannoelingamangât.”

“Nakudlarpok, Standring, nakudlarmaripok!” ajokertuijok kiovok. “Issumakalauralloarpunga

nangminek aijomavlunga, sullijaksakaralloarmulle aijungnarniarpallungilanga."

"Ainiarpunga," Daniel okarpok tagvainaκ, "ainiarpunga mâna." Okautjaukârdlunelo Jessikab iglungata nanêninganik, kollit kammipait, angeralerporlo.

Unnugutjaugalloarpok; Jessikab iglomêviksanga kanningitôvok, Danielible issumajârutekarningata angeratingilâ. Attausiardlune apkosineâluit illangata terrekoane nokkarpok innilaigosumariklune, okautilune nangminermirik, uvlâkut kâfesioryik angerautjautuarpat Jessika aiviginiaromavlugo. Taimagle issumaksarsiorlilugo, allagaiksarlune tautugasugivok Jessikab kênaniganik, aungêliktitomik sivunermigut aijomik, sangukattartomik, takkojomakpat sorlo, Daniel mallingimangât. Allagaiksarnetuinauvorle, unêlle, ullingne senneroarlugo kajusivok, tagvaneluatsiarlo Jessika aivigivâ.

Iglorusermut tikkingmat tâlerêrpok, upkoêrmallo siutekortôjuk innikita upkoanganik, sivurânelo tautugungnarane sumik, nangiarkassakpok. Tagvane nangerlune aggangit upkoab upkoêrutinganêdlutik sulle, nippikitomik tussarpok kollermik.

"Atâtavut," nipeârsuk okarpok, "kinatuinarmik tilliklilaurittok uvamnut, Jêsuse Kristuse pivlugo."

"Mânêpunga, Jess," Daniel kaigarsukpok, ijigiglo sungiutingmannik târmik, majutesivok takpaungajutiksanic. Kammatsiarlune majorarpok majutit tungmerangitigut serkorpalludlartutigut iglomut tâktomut, sorrutsib innigijanganut. Nakudlartomik ikkitjusijarpok, ikkitjutitalik ikpiarsuminut pôrsimangmago, pak kôjavinerkullungmiglotauκ, taimaimat mânnakullukut ikkomakartitsivok. Jessika nellangavok ivituinait kângine, makpilitat pêjarsimangingita nellâne, keppiksatuakarlune annorâvininganik. Daniele arlorvigigamiuk kungataililungilak.

"Illa," okarpok kuviasuklune, nippemulle sangê-

tomut, "Mista Danieleôvok! Gûdib tillilaukâtît tamaunga, Mista Daniel?"

"Ahaïla!" Daniel okarpok, Jessikab aggangit tigumilugit, nujangillo illakemadlartut tillajjarlugit Jessikab kaunganit kauseangajomit.

"Sunamik okautivâtît, Mista Daniel?" Jessika aperivok.

"Okautivânga ajortoliksôdlarama," Daniel kiovok. "Okautivânga kênauj akka naglignersarigapkit aklujunit, illakangitunillo, ajulertunillo. Kiojungnangilaralo sumiglônêt, Jess. Kittitsigiartorkattigivânga, okausermiglo attautsemiglônêt kiojungnalungilara."

"Ajungitôlungilatît tagva, Mista Daniel?" Jess aperigivok.

"Illa, ajortoksôvunga," okarpok, kugvit kattangmatta kênamigut. "Illa, Jess, uvannit nellopko-tinginersauvotit kilangmut."

"Gûde kennuvigikattalungikiûk idluarsitilitit perkovlugo Jêsuse Kristuse pivlugo?" sorrusek aperilerivok.

"Pijungnangilanga," Daniel okarpok, "pijungnangilanga, Jess. Kênaujat naglignersarisimavakka aklujunit, illiarsôjunillo, ajulertunillo illiktut, Jess. Illa, ajortoliksôdlarpunga."

"Erkailerille, Mista Daniel, ajokertuijub okauserimakattartanginik," Jessika issivsorpok. "Naglingnek tamadja, uvagut Gûde nagligigaptigoungitok, tâpsomale naglingmattigut, Ernelo tillilaungmago, ulla-pirksautaukovlugo ajornivut pivlugit."

"Illa," Daniel okarpok, "kuviasusôngolaukpunga mattoma sivornane ajokertuijub tamakkoa okauseringmagit, mânnale siutima igluagut itterkôrput igluagullo annilerivut. Omatiga mangaitisimavok, Jessika."

Pakkôjab kaumanekullunganut Daniel takkojungnarpok Jessikab okkijivigingmago kiksarlune. Jessi-

kalo tagva kênane pûlugo aggangminut, ijigiglo mattulugik, sukkaitomik nippekitôvlnelô okarpok, "Gûdik! Mista Danielib omatinga akililauruktôk, Jêsuse Kristuse pivlugo."

Taimailikârdlune nippangerpok, Danieletauok akunêgiadlak nippangilerivok. Ittaktorlune ulliminik Sonntagesiutiminik mattarpok, illivâlo sorrutsib tinaktub kânganut, taimailiortilugolo erkailerpok okautsinik NâleKab okauserilârtanginik uvloksoarme kit-titsiviginiartangane, "Ahamarik, okaupapse, kattangutima mikkinerôjut illangat sumik pitinapsiuk, tamattominga uvanga pilaukpapsinga." Danielele Jessikab iglunganit annivok omatekarlune nikkansartomik akitomiglo kaigarsuklune anernermut serkomisimajomut, "Nâlegak, nâpkigilaunga idluitok-sôjunga."

KAPITEL X. Tokkub tachanga.

Kaungmat Montageme kâfesiniarvekalungilak ikau-teâlub attâne, pissisôngojullo tattaminiarput kanniler-matta terrekomik sâkangitomik, tagvangat uvlârsiutiksarsisôngogamik. Anginersamigle tattaminiarajar-laukput takkonârunik Daniel kanok sulliakarmangât iglome sunakangitome, siutekortôjuk inniksakita kollâne. Arnak illanârnartok sillalek Danielib tilliorpâ pissiniariartorkovlugo nerkiksamik ikkomaksamiglo, tâpsomalo nangminek pigârlune unnuak nâvlugo Jessika pairivâ. Jessika kevilerpok issumairutivorlo, okaloakapserlunele taisikattarpok Gûdemik. Danielelo tuksiutivâ. Sillaliub arnaub ipsoma Daniel okautivâ sorrutsib anânanga uvlut kapsit sivorngane aularsimangmat, tâpsomalo sillaliub nangmirfek inutôvlune Jessika pairisimagamiuk. Kautualermat Daniel ânia-siortemik kairkojivok, tâpsomungalo perkojauvlune Jessika ullikpâ ullingminut, erkisimiarlugolo attersar-

lune majutikut, illilållo kamutimut aksaloalingmut, kairkojaulauktomut sillalit illanganut. Iglome attartortame assianut âtsomavlugo kajusilungilak, iglube angajokkânga nangerdlune upkoame akkerartormat sorrutsib aklujub kannimajub itterninganik, Daniel goldelingmik 10 ertortomik illijivok agganginut, tamattomungalo okanga kellujauvok.

Uvlub tâpsomatsainaub ketterarérningane ajokertuijok tikkitaavok aglangnut imailjunut:

“Opinartotit Ajokertuijok.”

“Nikkanarsaromaguvit iglokullumnut nelløpkotijomut itteromavlutit, kuviasutekarniarpotit Jessikakulluk takkolugo. Tokkub kiglinganêpok, Gûdib nâpkigosungnerminut inulingipago. Nerriukpunga iktoriktainera taimak aglarlunga issumaginianginangne, sorrusek kemagungnanginapko.

“Uvangauvunga,

“Kivgatit nålektok,

“Daniel Standring.”

Ajokertuijub aglait atuaramigit, illivait sâmut, tagvainarlo aularpok kivygaub iglunganut. Taika Jessika innilangatsiarlune Danielib iglingane, kênanga kattakpok, ijigik pullamavuk keblerikpugle. Upkoêrmat, Jessika niakone sangutilugo sappilerpok sangênernmut, ajokertuijorlo nokkagalâlerpok Jessika takkonârkârlugo, kingornagaullo Daniel, sivumuarmallo iglub kerkânut Jessikab ulloagik aupallerpuk.

Jessikab okautivâ: “Gûdib tamainik tuksiararilauktamnîk tunitsivigivânga, attausetuinarmin innoksipok sulle, tamadja Mista Daniel akkilévigingilâ sulle kâfemik pilliutigikattalauktanganik uvamnnt.”

“Takkuk,” Daniel okarpok, “akkilévigivânga amigangimariktomik akulaitomiglo, tunitsivigingmanga tarninnik tauksiutiksarilugo.”

“Standring,” ajokertuijok okarpok kiksarlune, “søgle? Kristusemiõnasugitsainarlaukpagit.”

“Illa,” Daniel kiovok, “apertsortaugiakalaukpongale tamattominga. Illagêt akkornngane inukalaungilak aperigasuartomik tamattominga, taimaimat Gûdib sorrusekulluk una aklujok tillivâ aperikovlugo uvamnik Kristusemiômangârma. Illerasugomangilanga mâna okautilitit, uvangale kâfemik aulakattalaukponga Jessikamut, igvillo pitsiarnerne akkililaukpat.”

“Kannoelungilak, nagliktara Daniel,” ajokertuijok okarpok illanârnartomik, “angiarigiakangilat mâna.”

“Takkuk,” Daniel pigannerpok, “apertsutit omakullub apertsutigikattalauktangit kiblingnalaukput omatimnut. Akulaitomik uvlâne kaisimavok uvamnut aperilune: ‘Jêsuse Kristuse naglingipiûk, Mista Daniel?’ Ubvalo: ‘Kuviasudlarlungilatit Gûde Atâtagigangne, Mista Daniel?’ Imâglônêt ‘Kilangmut kannilivalliavêt kaut tamât, Mista Daniel?’”

Danielib nippinga sajukpok, kênanelo pûpâ akkitimut Jessikab akkitigijanganut. Jessika takkoranidlartomik kungavok, agganelo sallojuk pârtilugit nippikitôvlune okarpok, “Atâtak! kailaulangatok kilangmut. Mista Danielible pijomaguninga sulle, tagva mânêtuinalanga ketamik sulle, Jêsuse Kristuse pivlugo. Amen!”

Akkunegiadlak Jessikab tuksiarningata kingornngagut niplertokalungilak iglome. Danielib kênane pûsimavâ akkitimut, ajokertuijorlo sennigingne nangertuinarpok, niakone okkolugo, ijigiglo mattulugik. Sorrusek naiperkonadlartok naglingnartok takkonâramiuk, mallugosulerpok, aggangit sangêtut kattaksimangmatta kênanganit nellonajijajomit merngoêrsernermik ullapirksautekarnermiglo. Anerninga sangêtôvlune annivok kangasinângitigut ippumingitutigut. Ajokertuijub Jessikab aggangit tigumiarpait aggamigut kiksarlune sinnaungagosuklunelo. Tokkolertomik nigliktomik ikpiginiarasugivok, sunaubvâle

ônarpok kauseangalunelo sulle. Ittaktorlune Danielib tuinga aktorpâ, issivsorlunelo: "Sorrusek tokkolungilak, sinnituinarpok."

Jessika âkiksinnarpok, Danielelo attarsivok iglub oma assianik, tâpsoma nangminek panningoariniartameloigelogijeksâgingnik. Nautsertorkattarpok Jessikab anânanga nagvartaujungnangimangât, taimnale sak-kijâlungimarikipok tussartaungilarlônêt kingorngagut, Danielelo kuviasutuinarpok annârtortokalungimat tâpsoma pairksiniarninganik Jessikamik.

Jessika âkingmaringmat, kuviasuklutik pissukattigêkattarpuk uvlokiningane ikauteâlungmut. Sâb tunnuane Jessika inniksakalerpok, illiniarsaraiporlo pissijomajut kivgartorlugit. Kuviasuklutik ikajortigêkpuke kattimavik, Jessikab ittaktortomik terliarsivlunelo ittervigigiortanga, sannêjârlugo. Okalugvik, utakkiviglo, ajokertuijublo kittorngâkita iksivautâgik kammagilugit Jessika kuviasuluadlarpok, Daniel, arnarlo, Danielib attartugane, kammatilugik kattimaviub amiakunganik. Sonntagenelo unuktune ajokertuijok okalugvingmêtok, pannigiglo iksivautâgingnêtuk, Danielelo kivgaujok, takkonârmatta Jessikab kênatsianganik, erkaikattarput Jessikab illaugiorninganik kattimaniksamut, Jessikablo tuksiariorninganik.

Nâvut.